

Incumbensa Cavegn concernent l'installaziun da classas da musica e da sport a la Scola chantunala a Cuira

La promoziun da talents en il sector da musica e da sport en las scolas grischunas ha fatg progress enorms ils ultims onns. Sin il stgalim secundar I èn naschidas quatter scolas da talents che prestan tuttas lavur excellenta. Er sin il stgalim secundar II han sportistas e sportists a la Scola professiunala artisanala a Cuira bunas pussaivladads da cumbinar individualmain lur scolaziun cun il sport da prestaziun en vista a la promoziun da lur atgna carriera da sport d'elita.

Il stgalim gimnasial ha percurter grondas largias regiunalas en il chantun Grischun. Bain porschan il Gimnasi da sport a Tavau, l'Institut autalpin a Ftan sco er l'Academia a Samedan bunas pussaivladads a sportistas e sportists che han grondas ambi-ziuns en il sport ed en la finamira da scola da far la maturitad u in diplom da scola media spezialisada. Cun paucas excepziuns sa restrenschan las purschidas a disciplinas da sport d'enviern sco er – cun excepziun da hockey sin glatsch a Tavau – a disciplinas da sport individual.

Sportistas e sportists che han en mira ina carriera da sport da prestaziun en disciplinas da sport da stad individual (p.ex. atletica leva, velo da muntogna) u en disciplinas da sport da squadra (ballape, unihockey, ballarait e.u.v.) e vulessan far a medem temp ina maturitad u in diplom da scola media, na pon betg realisar quai en il chantun Grischun. Sportistas e sportists che fan disciplinas da sport d'enviern e che abitan en la Val dal Rain grischuna u en Surselva, stuessan d'ina vart midar en in internat. Als geniturs chaschunass quai da l'autra vart custs considerabels.

Per scolaras e scolars cun talents musicals mancan – sco ch'i para – en l'entir chantun purschidas correspundentas en las scolas medias.

A la Scola chantunala a Cuira, la scola media la pli gronda da noss chantun, vegnan bain fatgas stentas per meglierar la cum-patibilitad tranter scola e sport. Questas stentas èn però lunsch davent da las purschidas optimalas da classas da sport en autras scolas entaifer ed ordaifer il chantun. Cunzunt la digitalisaziun cuntinuanta purschess oz pussaivladads optimalas per ina sco-laziun da scola media ch'è cumpatibla cun ina carriera en il sport da prestaziun. Per quest motiv na dastgan purschidas corre-spondentas betg pli mancar en ina scola media moderna da la grondezza da la Scola chantunala grischuna.

Per metter a disposiziun ina purschida er a scolaras e scolars da las classas da talents a Glion ed a Cuira e per serrar per tut las scolaras e tut ils scolars dal Grischun en spezial la largia en il sector da sport da stad, da sport da squadra e da musica incum-benseschan las sutsegnadras ed ils sutsegnaders la Regenza da stgaffir classas da musica e da sport a la Scola chantunala a Cuira, che porschan a giuvenils cun talents musicals u sportivs spezials – suenter la 2. u 3. classa secundara – lecziuns emnilas adattadas, furmas adequatas da blended learning sco er eventualmain temps da scolaziun prolungads.

Cuira, ils 19 da zercladur 2020

Cavegn, Schneider, Kappeler, Berther, Brunold, Caluori, Casutt-Derungs, Crameri, Degiacomi, Deplazes (Cuira), Epp, Fasani, Flütsch, Gartmann-Albin, Gasser, Geisseler, Grass, Hofmann, Horrer, Kohler, Loepfe, Michael (Donat), Niggli-Mathis (Grüsch), Papa, Paterlini, Perl, Preisig, Rettich, Ruckstuhl, Rutishauser, Schmid, Ulber, von Ballmoos, Widmer (Favugn), Widmer-Spreiter (Cuira), Zanetti (Landquart), Pajic